

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-4597-15/22

Datum: 04.10.2022. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 72. stav (3) tačka a) Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-3791 od 10.05.2022. godine, u postupku javne nabavke rezervnih dijelova za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

O D L U K U

o dodjeli okvirnog sporazuma drugorangiranom ponuđaču za Lot 6 i Lot 10

I

Poništava se i stavlja van snage Odluka o izboru najpovoljnijeg ponuđača i dodjeli okvirnog sporazuma broj: 02-11-4-4597-10/22 od 02.09.2022. godine za nabavku rezervnih dijelova za motorna vozila za potrebe Uprave policije Ministarstva unutrašnjih poslova Kantona Sarajevo, kojom je okvirni sporazum dodijeljen ponuđaču Autoelektra d.o.o. Sarajevo, u dijelu koji se odnosi na LOT 6 i LOT 10.

II

Nakon što prvorangirani ponuđač nije, u ostavljenom roku, dostavio dokumente koji se odnose na član 45. stav (2) tačka od a) do d), na osnovu člana 72. stav (3) tačka a) Zakona o javnim nabavkama („Službeni glasnik Bosne i Hercegovine”, broj 39/14 i 59/22) u postupku javne nabavke roba provedenog putem otvorenog postupka – nabavka rezervnih dijelova za motorna vozila za potrebe Uprave policije Ministarstva unutrašnjih poslova Kantona Sarajevo, dodjeljuje se okvirni sporazum drugorangiranom ponuđaču:

- Kare d.o.o. Sarajevo i to za:
 - ✓ LOT 6 - Nabavka rezervnih dijelova za motorna vozila marke Opel u iznosu od 4.517,00 KM bez PDV-a
 - ✓ LOT 10 - Nabavka rezervnih dijelova za motorna vozila marke Citroen u iznosu od 18.562,00 KM bez PDV-a.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru i dodjeli okvirnog sporazuma drugorangiranom ponuđaču. Prijedlog okvirnog sporazuma o nabavci dostavit će se na potpis izabranom ponuđaču Kare d.o.o. Sarajevo po isteku zakonom predviđenog roka od dana od kada su svi ponuđači obaviješteni o izboru i dodjeli okvirnog sporazuma drugorangiranom ponuđaču.

IV

Izabrani ponuđač dužan je da u roku od 5 (pet) dana od dana prijema ove odluke dostavi dokumente navedene u tački 12. tenderske dokumentacije, a koje se odnose na član 45. stav (2) tačka od a) do d). Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

Izabrani ponuđač je u svojoj ponudi dostavio tražene dokaze navedene u tački 13.2. tenderske dokumentacije, a koje se odnose na član 47. stav (1) tačka a), čime se oslobađa obaveze naknadnog dostavljanja istih.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-4597/22 od 16.06.2022. godine i Obavještenja o nabavci broj: 16475-1-1-31-3-59/22 od 17.06.2022. godine, proveden je otvoreni postupak javne nabavke rezervnih dijelova za motorna vozila za potrebe Uprave policije Ministarstva unutrašnjih poslova Kantona Sarajevo, uz primjenu e-aukcije, s namjerom zaključivanja okvirnog sporazuma na period od 24 mjeseca.

Prema Zapisniku sa otvaranja ponuda, broj: 02-11-4-4597/22 od 09.08.2022. godine za aktivno učešće u postupku dostavljene su ponude ponuđača za:

- LOT 6 - Autoelektra d.o.o. Sarajevo, Kare d.o.o. Sarajevo i Total trade d.o.o. Doboj
- LOT 10 - Autoelektra d.o.o. Sarajevo i Kare d.o.o. Sarajevo i Total trade d.o.o. Doboj.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-4597-6/22 od 22.08.2022. godine, kojim je utvrdila slijedeće:

- da ponude ponuđača Total trade d.o.o. Doboj za LOT 6 i LOT 10 ne ispunjavaju uslove iz tačke 13.2. ekonomsko-finansijska sposobnost (član 47. Zakona) - tenderske dokumentacije. Naime, tačkom 13.2. u svrhu dokazivanja ekonomsko-finansijske sposobnosti ponuđača ponuđači trebaju dostaviti potvrdu da račun, koji je označen kao glavni račun ponuđača, nije bio blokiran u zadnjih šest mjeseci, izdatu od strane banke.

Ponuđač Total trade d.o.o. Doboj je u svojoj ponudi za LOT 6 dostavio zajedničke dokumente za oba lota. U ponudi na str. 49. ponuđač je dostavio potvrdu banke da račun, koji je označen kao glavni račun ponuđača nije blokiran u zadnjih tri mjeseca, što nije u skladu sa uslovima traženim u tački 13.2. tenderske dokumentacije.

Takođe, ponuđač je bio u ponudi obavezan dostaviti i Izjavu o garanciji prema uputstvu proizvođača za isporučene dijelove (formu izjave propisuje ponuđač), u skladu sa tačkom 13.3. tehnička i profesionalna sposobnost u postupku nabavke roba (član 49. Zakona) - tenderske dokumentacije. Navedena izjava je dostavljena u ponudi za LOT 10, ali ne i u ponudi za LOT 6. U tački 15. tenderske dokumentacije stoji da: „Ponuđač koji dostavlja ponude za više lotova, može dokumente kojima dokazuje da ne postoje razlozi za isključenje i dokaze sposobnosti koji su zajednički za više lotova dostaviti uz ponudu koja je prva po redoslijedu LOT-ova na koji se prijavljuje.” U skladu sa čime ponuđač Total trade d.o.o. Doboj nije postupio.

U skladu sa naprijed navedenim, ponuda ponuđača Total trade d.o.o. Doboj za Lot 6 i Lot 10 nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da ponude ponuđača Autelektra d.o.o. Sarajevo i Kare d.o.o. Sarajevo za LOT 6 i LOT 10 sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa.

Nakon ovoga stekli su se uslovi za zakazivanje e-aukcije.

E-aukcija je zakazana za dan 24.08.2022. godine sa početkom u:

- 13.00 sati za Lot 6.

E-aukcija je zakazana za dan 25.08.2022. godine sa početkom u:

- 10.30 sati za Lot 10.

Postupajući u skladu sa članom 3., te članom 4. stav (6) Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio Izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije nije došlo do smanjivanja cijena i podnošenja novih ponuda.

Nakon čega je Komisija sačinila konačan Zapisnik o pregledu i ocjeni ponuda broj: 02-11-4-4597-8/22 od 31.08.2022. godine sa preporukom o donošenju odluke o dodjeli okvirnog sporazuma.

Ugovorni organ je prihvatio ponudu prvorangiranog ponuđača Autoelektra d.o.o. Sarajevo sa konačnom cijenom za:

- LOT 6 – Nabavka rezervnih dijelova za motorna vozila marke Ssang Yong u iznosu od 3.370,00 KM bez PDV-a

- LOT 10 – Nabavka rezervnih dijelova za motorna vozila marke Citroen u iznosu od 11.060,00 KM bez PDV-a.

Donesena je odluka o izboru najpovoljnijeg ponuđača i dodjeli okvirnog sporazuma broj: 02-11-4-4597-10/22 od 02.09.2022. godine i zajedno sa Zapisnikom o pregledu i ocjeni ponuda broj 02-11-4-4597-8/22 od 31.08.2022. godine dostavljena svim ponuđačima u ovom postupku javne nabavke.

Nakon što prvorangirani ponuđač nije, u ostavljenom krajnjem roku, dostavio u skladu sa članom IV odluke o izboru najpovoljnijeg ponuđača i dodjeli okvirnog sporazuma broj: 02-11-4-4597-10/22 od 02.09.2022. godine dokumente koji se odnose na član 45. stav (2) tačka od a) do d), u postupku javne nabavke roba provedenog putem otvorenog postupka – nabavka rezervnih dijelova za motorna vozila LOT 6 i LOT 10, ugovorni organ je postupio u skladu sa članom 72. stav 3. tačka a) Zakona o javnim nabavkama („Službeni glasnik BiH“, broj: 39/14 i 59/22) i donio odluku o dodjeli okvirnog sporazuma drugorangiranom ponuđaču Kare d.o.o. Sarajevo.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 72. stav (3) tačka a) Zakona o javnim nabavkama („Službeni glasnik BiH“, broj: 39/14), Zapisnikom o ponovnom pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 5 (pet) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).

POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x3
3. Odjeljenju za odnose s javnošću, radi objave na web stranici ovog organa
4. a/a